

# 肯綮錄

## 東坡易簣

東坡建中靖國初寓居毗陵，無何，以疾請老。

疾革，一日折簡錢世雄濟明云：

「昨日齒中出血，如蚯蚓狀無數，蓋是熱毒，根深不淺，即今諸藥盡，惟取人參、茯苓、麥門冬淪湯，渴即飲之。《莊子》云：『在宥天下，未聞治天下也。』三物可謂在宥矣。而此不愈，則天也。」

又徑山長老惟琳來問疾，乞偈，答曰：

「□□與君子，各已三萬日，

一日一千偈，電往那能詰。

大患緣有身，無身即無疾，

平生笑什麼，神咒真浪出。」

琳問神咒事，索筆書：

「昔鳩摩羅什病亟，出西域神咒三番，令弟子誦以免難，雖不及事，而終並出。」

一帖云：

「某嶺海萬里不死，歸宿田里，有不起之憂，非命也耶？但死生亦細故耳，為佛、法，為眾生自重。」

蓋絕筆於此。

後二日，殆將屬纊，聞根先，惟琳叩耳大聲曰：

「端明宜勿忘西方。」

先生曰：

「西方不無，但個裏著力不得。」

錢濟明云：

「先生平時踐履至此，更須著力。」

曰：

「著力即差。」

語絕而逝。

欽定四庫全書

東坡全集 卷二十五

宋 蘇軾 撰詩八十六首

答徑山琳長老

與君皆丙子，各已三萬日。

一日一千偈，電往那容詰。

大患緣有身，無身則無疾。

平生笑羅什，神呪真浪出。

欽定四庫全書

東坡全集卷八十五

宋 蘇軾 撰尺牘九十五首

與錢濟明 三首〔之一〕

一夜發熱不可言，齒間出血如蚯蚓者無數，迨曉乃止，  
憊甚。細察疾狀，專是熱毒，根源不淺，當專用清涼  
藥。已令人參、麥門冬、茯苓三味煮濃汁，渴即少啜  
之，餘藥皆罷也。莊生聞在宥天下，未聞治天下也。如  
此而不愈則天也，非吾過矣。……

與徑山長老惟琳 二首

臥病五十日，日以增劇，已頽然待盡矣。兩日始微有生  
意，亦未可必也。適睡覺，忽見刺字，驚歎久之。暑毒  
如此，豈耆年者出山旅次時耶？不審比來眠食何如？某  
扶行不過數步，亦不能久坐，老師能相對臥談少頃否？  
即告晚涼，更一訪。

又

嶺南萬里不能死，而歸宿田野，遂有不起之憂，豈非命  
也夫！然生死亦細故耳，無足道者，惟為佛為法為衆生  
自重。